

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი

ბრძანება N01-02/ 253

ქ. ბათუმი

25 ოქტომბერი, 2022 წ.

„ბსუ-ს პროფესიული საგანმანათლებლო პროგრამების სასწავლო პროცესის მარეგულირებელი წესის დამტკიცების შესახებ“ ბსუ-ს რექტორის 2019 წლის 8 თებერვლის N01-02/11 ბრძანებაში ცვლილებების და დამატებების შეტანის თაობაზე

„უმაღლესი განათლების შესახებ“ საქართველოს კანონის 22-ე მუხლის, ბსუ-ს წესდების მე-13 მუხლის, „პროფესიული განათლების შესახებ“ საქართველოს კანონის, „საგანმანათლებლო დაწესებულებების ავტორიზაციის დებულებისა და საფასურის დამტკიცების შესახებ“ საქართველოს განათლებისა და მინისტრის 2010 წლის 1 ოქტომბრის N99/ნ ბრძანების და ბსუ-ს პროფესიული პროგრამების მართვისა და უწყვეტი განათლების ცენტრის დირექტორის მადონა მიქელაძის 2022 წლის 24 ოქტომბრის №1346069 სამსახურებრივი ბარათის საფუძველზე.

ვ ბ რ ძ ა ნ ე ბ :

1. „ბსუ-ს პროფესიული საგანმანათლებლო პროგრამების სასწავლო პროცესის მარეგულირებელი წესის დამტკიცების შესახებ“ ბსუ-ს რექტორის 2019 წლის 8 თებერვლის N01-02/11 ბრძანებაში, კერძოდ ბრძანების N1 დანართში (წესი) შემდეგ ცვლილებები:

ა) წესის მე-10 მუხლის მე-12 პუნქტი ჩამოყალიბდეს შემდეგი რედაქციით:

„12. დუალური სწავლების შემთხვევაში ან ისეთი საგანმანათლებლო პროგრამებისათვის, რომლებიც ითვალისწინებენ კლინიკურ სწავლებას („საექთნო განათლება“, „ვეტერინარია“ და სხვა) უნივერსიტეტსა და სასწავლო საწარმოს/კლინიკას შორის დადებული ხელშეკრულების ფარგლებში, პროფესიული სტუდენტი მუშაობს საწარმოში/კლინიკაში, აწარმოებს „პროფესიული სტუდენტის ჩანაწერების ჟურნალს“ (წინამდებარე წესზე თანდართული N8 ფორმის შესაბამისად), რომელსაც ამოწმებს კლინიკური მოდულის განმახორციელებელი პროფესიული განათლების მასწავლებელი ან/და ინსტრუქტორი და უდასტურებს სწავლის შედეგებს.“;

ბ) წესის მე-10 მუხლის მე-12 პუნქტში აღნიშნული ფორმა N8 („პროფესიული სტუდენტის ჩანაწერების ჟურნალი“) ჩამოყალიბდეს წინამდებარე ბრძანების N1 დანართის შესაბამისად;

გ) მე-10 მუხლის მე-14 პუნქტი ჩამოყალიბდეს შემდეგი რედაქციით:

„14. შეფასების თაობაზე ინფორმაცია პროფესიულ სტუდენტს მიეწოდება პროფესიული მასწავლებლის მიერ შეფასების ჩატარების დღიდან მაქსიმუმ 3 სამუშაო დღის ვადაში. შედეგების გაცნობის დროს დაცული უნდა იყოს პერსონალური მონაცემები. დაუშვებელია კონკრეტული სტუდენტის შეფასება გასაჯაროვდეს ჯგუფში, სტუდენტის თანხმობის გარეშე (სიტყვიერი ან წერილობითი). ასეთ შემთხვევაში ჯგუფში შედეგები უნდა იქნას განხილული განზოგადებულად, ხოლო კონკრეტული სტუდენტის შედეგები - ინდივიდუალურად.“;

დ) მე-15 მუხლის შემდეგ დაემატოს მე-15¹ მუხლი და ჩამოყალიბდეს შემდეგი რედაქციით:

„მუხლი 15¹. საკვალიფიკაციო გამოცდა

1. საკვალიფიკაციო გამოცდა სავალდებულოა იმ პროფესიული საგანმანათლებლო პროგრამებისთვის, რომელშიც პროფესიული მოდულებით გათვალისწინებული სწავლის შედეგების 51% ან მეტი რეალურ სამუშაო გარემოში მიიღწევა, ასევე ისეთი საგანმანათლებლო პროგრამებისათვის, რომლებიც ითვალისწინებს კლინიკურ მოდულებს, როგორცაა „საექთნო განათლება“, „ვეტერინარია“ და სხვა.
2. საკვალიფიკაციო გამოცდაზე დაიშვება პროფესიული სტუდენტი, თუ მას სრულად ათვისებული ან აღიარებული აქვს შესაბამისი პროფესიული საგანმანათლებლო პროგრამით გათვალისწინებული კრედიტები.
3. საკვალიფიკაციო გამოცდის ვადები, საკვალიფიკაციო და სააპელაციო კომისიების შემადგენლობა მტკიცდება რექტორის ბრძანებით, ცენტრის დირექტორის სამსახურებრივი ბარათის საფუძველზე.
4. საკვალიფიკაციო კომისიის შემადგენლობაში შედიან: ცენტრის ხარისხის მართვის მენეჯერი, პროგრამის ხელმძღვანელი/ხელმძღვანელები, პარტნიორი ორგანიზაციის (დამსაქმებელი) წარმომადგენელ(ებ)ი, დარგის ექსპერტები.
5. საკვალიფიკაციო გამოცდის მიმართ წაყენებული მოთხოვნებია:
 - ა) საკვალიფიკაციო გამოცდის თემატიკა არ უნდა გასცდეს პროფესიული საგანმანათლებლო პროგრამით გათვალისწინებულ სწავლის შედეგებს და უნდა წარმოადგენდეს პროფესიული საგანმანათლებლო პროგრამის ფარგლებში დადასტურებული რამდენიმე დარგობრივი უნარის დემონსტრირებას;
 - ბ) საკვალიფიკაციო გამოცდა უნდა შედგებოდეს თეორიული და პრაქტიკული კომპონენტებისაგან;
6. საკვალიფიკაციო გამოცდის მაქსიმალური შეფასებაა 100 ქულა, საიდანაც 40 ქულა ეთმობა გამოცდის თეორიულ კომპონენტს, ხოლო 60 ქულა - გამოცდის პრაქტიკულ კომპონენტს.
7. საკვალიფიკაციო გამოცდა პროფესიულ სტუდენტის მიერ ჩაბარებულად ჩაითვლება მინიმუმ 75 ქულის დაგროვების შემთხვევაში.
8. სტუდენტის გამოცდაზე ჩაჭრის საფუძველია გამოცდის მიმდინარეობისას სტუდენტის მოქმედება, რომელიც არ შეესაბამება სასწავლო პროცესის (მათ შორის

ელექტრონულად) წარმართვის შესახებ სამართლებრივ აქტებს, ბსუ-ს ეთიკის კოდექსს ან/და შინაგანაწესს.

9. საკვალიფიკაციო გამოცდის თემატიკას, შეფასების კრიტერიუმებს ადგენენ საგანმანათლებლო პროგრამის ხელმძღვანელი და განმახორციელებელი პროფესიული განათლების მასწავლებლები, ცენტრის სასწავლო პროცესის მართვის მენეჯერთან შეთანხმებით.

10. საკვალიფიკაციო გამოცდის ჩატარების ვადები, ადგილი, პირობები, შეფასების კრიტერიუმები პროფესიულ სტუდენტს წინასწარ ეცნობება გამოცდის ჩატარებამდე ერთი კვირით ადრე.

11. საკვალიფიკაციო გამოცდის თეორიული კომპონენტის ხანგრძლივობაა 2 საათი, ხოლო საკვალიფიკაციო გამოცდის პრაქტიკული კომპონენტის ხანგრძლივობა დამოკიდებულია საგანმანათლებლო პროგრამის სპეციფიკაზე. თეორიულ და პრაქტიკულ კომპონენტებს შორის შუალედი უნდა იყოს მინიმუმ 3 საათი.

12. საკვალიფიკაციო გამოცდის პრაქტიკული კომპონენტის ჩატარება ხდება პარტნიორ დაწესებულებაში ან უნივერსიტეტის „C გარემოში“.

13. ცენტრის სასწავლო პროცესის მართვის მენეჯერი საკვალიფიკაციო გამოცდის შედეგებს პროფესიულ სტუდენტს აცნობს გამოცდის ჩატარებიდან არაუგვიანეს 3 (სამ) სამუშაო დღეში.

14. პროფესიული სტუდენტი უფლებამოსილია გამოცდის შედეგი გაასაჩივროს ამ წესის მე-10 მუხლის მე-15 და მე-16 პუნქტების თანახმად.

15. დასაშვებია გამოცდის გადავადება საკვალიფიკაციო გამოცდაზე საპატიო მიზეზით გამოუცხადებლობის შემთხვევაში (უნივერსიტეტის სახელით საგანმანათლებლო-კულტურულ ღონისძიებაში მონაწილეობა, იზოლაცია/ჯანმრთელობის მდგომარეობა, მათ შორის პანდემიის გამო, შვილის შეძენა, ოჯახის წევრის გარდაცვალება).

16. პროფესიული სტუდენტი უფლებამოსილია გამოცდის ჩატარებიდან არაუგვიანეს 5 (ხუთი) სამუშაო დღის განმავლობაში წერილობითი ფორმით მიმართოს ცენტრს და მოითხოვოს საკვალიფიკაციო გამოცდის გადავადება ერთჯერადად, სხვა შემთხვევაში საკვალიფიკაციო გამოცდაზე პროფესიული სტუდენტის გამოუცხადებლობა ითვლება არასაპატიოდ.

17. პროფესიული სტუდენტის დასაბუთებული თხოვნის საფუძველზე ცენტრი უფლებამოსილია განმეორებით ჩაატაროს საკვალიფიკაციო გამოცდა განცხადების წარდგენიდან ორი კვირის განმავლობაში.“

2. წინამდებარე ბრძანებით განხორციელებული ცვლილებების გათვალისწინებით მომზადდეს კოდიფიცირებული „ბსუ-ს პროფესიული საგანმანათლებლო პროგრამების სასწავლო პროცესის მარეგულირებელი წესი“ და განთავსდეს ბსუ-ს შესაბამის ველებში.

3. პროფესიული პროგრამების მართვისა და უწყვეტი განათლების ცენტრმა უზრუნველყოს „ბსუ-ს პროფესიული საგანმანათლებლო პროგრამების სასწავლო პროცესის მარეგულირებელი წესის გაცნობა პროფესიული სტუდენტებისა და შესაბამისი პერსონალისათვის.

4. ბრძანება განთავსდეს ბსუ-ს ვებგვერდზე.

5. ბრძანება დაეგზავნოს ბსუ-ს რექტორის მოადგილეს (თ. სირაძე), ხარისხის უზრუნველყოფის სამსახურს, პროფესიული პროგრამების მართვისა და უწყვეტი განათლების ცენტრს, იურიდიულ დეპარტამენტს, საფინანსო-ეკონომიკურ

დეპარტამენტს, საქმისწარმოების სამსახურს (კანცელარია) და საინფორმაციო ტექნოლოგიების სამსახურს.

6. ბრძანება ძალაშია ხელმოწერისთანავე.
7. ბრძანება შეიძლება გასაჩივრდეს მოქმედი კანონმდებლობით დადგენილი წესით ბათუმის საქალაქო სასამართლოში (ქ. ბათუმი, სტეფანე ზუბალაშვილის №30) მისი გამოცემის დღიდან ერთი თვის ვადაში.

რექტორი, პროფესორი



მერაბ ხალვაში

ბსუ-ს რექტორის 2022 წლის 25 ოქტომბრის N01-02/253 ბრძანების
დანართი N1

ბსუ-ს რექტორის 2019 წლის 08 თებერვლის N 01-02/11 ბრძანებით დამტკიცებული
„ბსუ-ს პროფესიული საგანმანათლებლო პროგრამების სასწავლო პროცესის
მარეგულირებელი წესის“

ფორმა N 08

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი

პროფესიული პროგრამების მართვისა და უწყვეტი განათლების ცენტრი

პროფესიული სტუდენტის ჩანაწერების ჟურნალი

პროფესიული საგანმანათლებლო პროგრამა

„საექთნო განათლება“

პროგრამის განხორციელების პერიოდი: _____

პროფესიული სტუდენტის სახელი, გვარი	ტელეფონი	ელ-ფოსტა

სასწავლო საწარმო(ები)				
N	კლინიკის დასახელება	მისამართი	ტელეფონი	ელ-ფოსტა
1				
2				

3				
---	--	--	--	--

ინფორმაცია კლინიკური მოდულის განმახორციელებელი პირი(ებ)ის შესახებ

N	პროფესიული/დარგობრივი მოდულების დასახელება - კლინიკური სწავლება	კრედიტი /საკონტაქტო საათი	სახელი, გვარი	ტელეფონი	ელ-ფოსტა	პოზიცია კლინიკაში (განყოფილება)
1	კლინიკური პრაქტიკა - ქირურგიული პაციენტის საექთნო მართვა	11/				
2	შემაჯამებელი კლინიკური პრაქტიკა - ქირურგიული პაციენტის საექთნო მართვა	6				
3	კლინიკური პრაქტიკა - თერაპიული პაციენტის საექთნო მართვა	11				
4	შემაჯამებელი კლინიკური პრაქტიკა - თერაპიული პაციენტის საექთნო მართვა	6				
5	კლინიკური პრაქტიკა- გადაუდებელი პაციენტის საექთნო მართვა	10				
6	შემაჯამებელი კლინიკური პრაქტიკა - გადაუდებელი პაციენტის საექთნო მართვა	5				
7	კლინიკური პრაქტიკა - კრიტიკულ მდგომარეობაში მყოფი პაციენტის საექთნო მართვა	12				
8	შემაჯამებელი კლინიკური პრაქტიკა - კრიტიკულ მდგომარეობაში მყოფი პაციენტის საექთნო მართვა	4				
9	კლინიკური პრაქტიკა - სამეანო და გინეკოლოგიური პაციენტის საექთნო მართვა	6				
10	შემაჯამებელი კლინიკური პრაქტიკა - სამეანო და გინეკოლოგიური პაციენტის საექთნო მართვა	3				

11	კლინიკური პრაქტიკა- პედიატრია და მოზარდები	7				
12	შემაჯამებელი კლინიკური პრაქტიკა - პედიატრია და მოზარდები	3				
13	კლინიკური პრაქტიკა - ფსიქიკური ჯანმრთელობა და ფსიქიატრია	3				
14	შემაჯამებელი კლინიკური პრაქტიკა - ფსიქიკური ჯანმრთელობა და ფსიქიატრია	3				

რეკომენდაციები პროფესიული სტუდენტის ჩანაწერების ჟურნალის წარმოების შესახებ

- პროფესიული სტუდენტის ჩანაწერების ჟურნალი წარმოადგენს კლინიკური სწავლების მოდულების შეფასების ინსტრუმენტს და შედეგების დადასტურების პირობას;
- პროფესიული სტუდენტი ვალდებულია სრულყოფილად აწარმოოს ჩანაწერების ჟურნალი კლინიკაში პროფესიული საგანმანათლებლო პროგრამის კლინიკური მოდულების გავლის პერიოდში;
- ჩანაწერების ჟურნალი წარმოადგენს პროფესიული სტუდენტისათვის სავალდებულო დოკუმენტს, რომელშიც შეაქვს მოდულის განხორციელების განმავლობაში შესრულებული სამუშაოებისა და დავალებების შესახებ ინფორმაცია;
- ჟურნალის შენახვასა და წარმოებაზე პასუხისმგებელია პროფესიული სტუდენტი;
- ჩანაწერების ჟურნალის წარმოების პროცესს კოორდინაციას უწევენ კლინიკური მოდულის განმახორციელებელი პირი(ები) - პროფესიული განათლების მასწავლებლები, რომელიც ადასტურებს შესრულებული სამუშაოების პროგრამის ფარგლებში მისაღწევი სწავლის შედეგებთან შესაბამისობას და საჭიროების შემთხვევაში, იძლევა რეკომენდაციებს;
- პროფესიული სტუდენტი ვალდებულია ჩანაწერების ჟურნალი (მოთხოვნის შემთხვევაში) წარუდგინოს საგანმანათლებლო პროგრამის ხელმძღვანელს, ცენტრის სასწავლო პროცესის მენეჯერს, ხარისხის მართვის მენეჯერს ან/და საწარმოო პრაქტიკის კოორდინატორს;
- პროფესიული სტუდენტის ჩანაწერების ჟურნალი უნდა შეიცავდეს შემდეგ მონაცემებს:
 - კლინიკაში პრაქტიკული კომპონენტის ფარგლებში შესრულებული სამუშაოს თარიღი (თვე, რიცხვი, წელი);
 - სამუშაოს და დავალების სახეობა და შესრულების მიმდინარეობის აღწერა (მ.შ. გამოყენებული ხელსაწყოები, ინსტრუმენტები, მასალა - ნედლეული და სხვა);
 - კლინიკური მოდულის განმახორციელებელი პირის რეკომენდაციები/შენიშვნები;
 - კლინიკური მოდულის განმახორციელებელი პირის ხელმოწერა.

ჩანაწერები შესრულებული სამუშაოების და დავალებების შესახებ

მოდულის დასახელება:

მოდულის განხორციელების ადგილი:

თარიღი (დღე, თვე, წელი)	მოდულის განხორციელების განმავლობაში შესრულებული სამუშაოები და დავალებები	მოდულის განმახორციელებელი პირის რეკომენდაცია(ები)/შენიშვნები

ვადასტურებ:

მოდულის განმახორციელებელი პროფესიული განათლების მასწავლებელი

1. _____
2. _____
3. _____